

夏官兵曹 政官之屬二十

秋官刑曹 刑官之屬二十

冬官工曹 事官之屬二十

經世遺表三

This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. The paper has a textured appearance with visible signs of aging, including yellowing, brown stains, and a small red mark near the top center. The right edge of the page is slightly irregular and shows some wear. There is no text or other markings on the page.

This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. The paper has a slightly textured appearance and shows signs of wear, including a small dark spot near the center and faint smudges near the bottom left corner. The overall color is a warm, off-white or light beige.

經世遺表序官目次



夏官兵曹第四

中樞府

備邊司令馬

司勲府

即忠勲府

武舉院

即訓練院

太馭寺

即司僕寺

乘輦司

即內司僕

牧圉司

監牧官之總署

翊衛司

衛從司附馬

左掖司

即都總府

右掖司

即內兵曹

中衛司

即扈衛廳別軍職合馬

宣教局

即宣傳廳武兼合馬

儀仗局

即部將廳

守禦局

即守門廳城門空關合馬

龍驤衛

禁軍諸衛總合而平分之

虎賁衛

禁軍諸衛總合而平分之

羽林衛

禁軍諸衛總合而平分之

都統營

即訓練都監

左禦營

即御營

右衛營

即禁衛營

管城衛

即經理廳

秋官刑曹第五

已上政官之屬二十

義禁府

司憲府

監察院

分出於司憲府

禁制司

原典有掌禁司

掌理署

即典獄署

討捕營

即捕盜廳

巡警司

即巡將廳

路鼓院

原典禁府當直官掌申聞鼓

禮賓寺

前代廟官附焉

行人司

出疆使臣之署

綏遠司

新立之

司譯院

掌胥院

新立之

掌隸院

量衡司

原典爲工曹所掌

券契司

新立之

津關司

原典有渡丞

職金署

新立之

掌域署

歸厚署所分

律學署

已上刑官之屬二十

冬官工曹第六

山虞寺

原典有四山參軍

林衡寺

新立之

澤虞寺

卽堤堰司

川衡寺

原典有濬川司

繕工監

利用監

新立之

司兵寺

即軍器寺

修城司

原典有修城禁火司

典園署

即鑄錢所

典堵司

新立之

典軌司

新立之

典艦司

舟橋司令馬

甄瓦署

即

燔瓷監

即司饗分院

織染局

即濟用監

典設司

掌苑署

即

司筵署

即長興庫

造紙署

即

圖畫署

已上事官之屬二十

經世遺表卷之四

負累

臣

丁鏞撰

夏官兵曹第四

政官之屬兵曹判書卿一人參判中大夫一人參議下大夫一人正郎上士二人佐郎中士四人○書吏二十人皐隸四十人

臣謹案原典兵曹大夫參議之外又有參知其郎官八員比他司加二員蓋以內兵曹直宿故也今內兵曹別爲一司則其員額當與他曹同不必加也

中樞府領事公一人判事孤卿二人知事卿六人同知事

中大夫八人僉知事下大夫八人經歷上士四人都事中士八人○書吏十六人皂隸三十人

臣謹案中樞府者古之樞密院也唐宋之際始有此官俛典樞機總察邊務宋初趙普爲樞密使與中書省並立分權互稱二府其職之要且重如是也以其名則今之中樞府是也以其實則今之備邊司是也中樞府有其名而無其實備邊司有其實而無其名兩失其宜也中樞府全無所事而游閒人作食祿之地備邊司總察萬務而議政府爲長閑之門制度之毀壞散漫一至是矣且備局所察不唯邊務則號曰備邊亦不宜也臣以

爲自今以備邊司爲中樞府改揭扁額使中樞府得名
實相副於事倭也○臣又按備邊司都提調時原任大
臣例兼其提調六曹判書大提學五營大將四都留守
例兼又置有司堂上四員使勾管八道一員各領二道
臣以爲時任大臣自有議政府在焉何必兼之六曹判
書自有六曹在焉何必兼之臣謂領事一員判事二員
以原任大臣爲之知事六員同知事八員或以他職兼
之或以散班居之知事六員爲十二省勾管大夫一員
各領二省其僉知事八員四人以左右承旨例兼其四
人擇人別差以掌副提調之舊職至如三公九卿三孤及六

卿雖不兼樞府自主都堂之會凡文書回公不異於樞府大夫則法制森整而名實無舛矣○臣又按今法凡老職及納粟受官者雖雜流下賤皆爲僉知同知一藝仕者或爲知事名器日濫貴賤無別臣以爲自今老職納粟之類皆以羽林衛護軍副護軍處之其一藝仕而有勞績者以北漢之管城將爲二品實職名之曰北漢總禦使使得往居則亦勝於知中樞之虛名矣

臣謹案原典中樞府郎官本是二員而備邊司郎官至於十二員故今於備局之員額冒之以樞府之名稱司勲府經歷上士一人都事中士一人○錄事幾人書吏

六人阜隸十二人○員外郎十人以忠義衛爲之

臣謹案司勲府者忠勲府也周禮司勲屬於夏官今亦依之○又按勲府大夫時衆時寡時有時無故不著其額○又按國初有忠翊府爲原從功臣之署今合于忠勲府也又所謂忠義衛者功臣嫡長孫之所宅也今賤流奸民造作僞譜冒居忠義者甚多臣以爲自今忠義之選無過十人以作本府之員外郎或轉而爲儀仗郎將部或轉而爲守墓官如今制可也

武舉院知事卿一人都正下大夫二人副正上士四人主事下士八人兵學教官中士二人參軍下士八人權知奉

事庶下士三十二人習讀官庶下士三十二人○書吏四人阜隸八人

臣謹案武舉院者今之訓練院也訓練院本掌軍士之試才鍊藝一自五營門建立之後訓練院仍作閒官唯武臣以此爲依歸之藪而已今擬文科武科每三年大比各取二百人以各三十六人爲及第以各一百六十四人爲進士進武其會試無一所二所文科設於貢舉院武科設於訓練院斯其所以名之曰武舉院也○又按權知奉事習讀官之類皆以進武爲之其有績者遷轉其不然者三年而遞○又按副正四人則其二人僉

正也例見前

兵學教官即能廢兒郎本是下士今陞之

太馭寺提調卿二人都正下大夫一人僉正上士二人主

簿中士二人○書吏十人阜隸三十人○巫馬庶下士十

人即馬醫

理馬庶下士四人陪馬庶下士八人

所謂牽馬陪

太馭寺者司僕寺也○

臣

謹案司僕之官其掌馬則周

禮之校人也其掌馭則周禮之太馭也自漢以來誤以

掌廐之官謂之太僕歷代相承以至於今今按周官太

僕正王之服位出入其大命又建鼓以達冤其職如後

世之尚書省兼之以登聞鼓院非掌馬掌馭之官也

臣

故司僕寺改之曰太馭寺周禮太馭之屬亦有戎僕齊

僕道僕田僕○又按原制大臣爲都提調大臣掌馬恐非古意今減之

臣謹案內司僕當別爲一司以掌乘輿又如禁軍有兼司僕之名當時必與司僕相聯爲職今旣不然其兼司僕之名不可因也

乘輦司提調卿二人內乘下大夫一人副內乘上士一人中士二人○書吏二人皂隸八人

乘輿司者內司僕也○臣謹案原典兵曹有乘輿司掌鹵簿輦輿今乘輿之事內司僕主之而兵曹之乘輿司改之曰馬色以掌驛傳今擬內司僕爲乘輿司而其提

調二人仍以太馭提調兼之也○又案原編內乘之官上自二品下至九品無不爲之亦恐不宜今擬職品一定不得上下則其體貌益重矣

牧圉司提調公一人中大夫二人僉正上士二人監牧官中士二十人○書吏二人阜隸四人

臣謹案養馬者有國之大政也國制監牧官二十餘

員分出諸路或以守令邊將兼之或另差一官皆自司僕主之臣竊見周官之制太馭與養馬之官絕然不同

養馬之官則牧師廋人圉師圉人是也臣謂箭橋牧場

之官仍稱牧圉司總管八道牧圉之政又令諸路富民

之有海島山莊可以牧馬者設圉牧馬官給馭馬使之
風孳若養馬至千匹者許令選其駿者唯十匹納于本
司其令許令私賣而其人則直授本司之官使之遷轉
如法未可已也 國俗嚴禁風馬牡馬終身守貞牝馬
或一生產然且熱粥煖襦百病以生而治馬之法唯有
鑿足瀉血一法血流成川其立顫顫如是也故今大郡
大縣其四境之內有馬十匹者不可得見其或有之者
皆果下小種無以爲戎馬 國之急政莫馬若也東人
謂北方早寒不可養馬而犍馬之市於北塞者不以爲
疑謂南方卑濕不可養馬而飛龍之產於耽羅者不以

爲疑其不通如是矣牧圉之司不可不立

翊衛司翊衛下大夫一人司禦上士二人衛率中士四人
洗馬下士六人○書吏二人阜隸十六人

臣謹按衛率四人則其二人副率也洗馬六人則其二人
侍直也例見前

世孫衛從司長史中士二人從史下士二人○臣謹案
衛從司不必別立衛門故附於桂坊

左掖司宿衛大使卿二人副使中大夫六人執戟郎上士
四人執楯郎中士四人陞楯郎下士四人○書吏八人阜
隸二十人

左掖司者都摠府也宿衛大使者都總管也其副使副
摠管也執戟郎者經歷也陞楯郎者都事也○臣謹案
都總管者謂都摠五衛之士卒也今五衛之革已數百
年矣一卒不領而名之曰五衛都摠府都摠管名實之
不相副莫此爲甚職官之制名實不副則居官之人不
知奉職此必然之理也臣故曰都摠管宜名宿衛大使

○臣又案摠府大夫荷雲劒寶劒終日侍立老者病之
臣謂自今年五十以上勿差是職其郎官六人上中下
人令執戟而侍立以嚴侍衛抑所宜也

右掖司都宮正下大夫二人金吾郎上士二人書吏四

人阜隸八人近仗軍六人

右掖司者內兵曹也都宮正者內兵曹入直大夫也金

吾郎者內兵曹郎官也臣謹案周禮天官宮正之職

掌王宮之戒令糾禁以時比宮中之官府次舍爲之版

以待如今之

夕擊柝而比之

如今之

幾其出入辨其外

內此非今內兵曹之職掌乎

臣又按唐制左右金吾衛

掌宮中巡警金吾者宿衛之職也東人誤以義禁府爲

金吾義禁府者古之大理秦漢謂之廷尉幾見獄官爲

金吾乎

臣故曰內兵曹大夫宜謂之都宮正其郎官宜

謂之金吾郎不可苟也

臣又按此篇兵曹減參知一

員都摠府減摠管二員則宮正二人非爲多也兵曹減
郎官二員以比他曹則金吾郎二人非爲多也 國力
本貧臣不敢增官也

中衛司扈衛大使公一人別將中大夫二人驍騎常侍下
大夫四人驍騎郎上士四人中士六人扈衛軍官三百人
其教鍊軍官四人書吏二人阜隸二十人

中衛司者扈衛廳別軍職之合成者也大使一人者扈

衛大將也

原任大臣國
舅中兼之

別將二人者扈衛別將也

本三員

驍騎常侍者堂上別軍職也驍騎郎十人者堂下別軍
職也教鍊軍官四人者扈衛廳所任軍官三人及別付

料軍官一人也扈衛軍官本一千五十人

先朝減

七百今又減五十故三百人而已○

臣

謹案扈衛廳者

仁祖癸亥之所創設也別軍職者

孝宗自瀋陽還後

八壯士之所處也別軍職亦所以扈衛

聖躬合之爲

一於義可也

臣

竊伏念職官之制宜有統有率以宏綱

統細目以大幹統小枝然後血脈流通號令無滯若零

零瑣瑣各自爲命不知其身隸於何官不知其官隸於

何司不知其司隸於何曹一似無將之卒各自逍遙非

一王建極之法制也

臣

謂兵曹之屬散亂無統今分爲

四類類各三合一曰三司左掖司者今之都摠府也右

掖司者今之內兵曹也中衛司者今之扈衛廳也別軍
職合焉二曰三局宣教局者今之宣傳廳也武兼合焉
儀仗局者今之部將廳也忠義衛合焉守禦局者今之
守門廳也城門之將空闕之將合焉三曰三衛龍驤衛
虎賁衛者五衛之舊名羽林衛者羽林將忠壯忠翊之
合者禁軍內禁衛五衛之屬減於是三衛合焉四曰三
營都摠營者訓練都監也左禦營者御營也右衛營者
禁衛營也唯是三司三局三衛三營秩然成列井然不
紊則凡有號令如身之使臂若臂之使指在平時則朝
廷有體貌值急時則軍伍有紀律不如今之散漫也世

有別軍職以爲官名者乎世有所任軍官以爲職名者乎草創而不修潤非所以光昭祖烈也

宣教局大使卿一人宣教官下大夫四人宣徽官上士四人文兼上士二人宣旨官中士八人宣傳官下士八人○宣令官下士三十六人○書吏四人阜隸二十四人內吹打四百人

宣教局者宣傳廳也其大使兵曹判書例兼也宣傳官本二十四員今因之唯分之爲四等令不得推移文兼本二人今依之○宣令官者武兼宣傳官也武兼本五十員今減爲三十六人合之於宣教局○臣謹案今定

科制文科三十六人武科三十六人 國制文科初入

仕分入三院清族入承文院西北入國子院中庶入校

書院其登科者三族參錯故其分入三院者亦多少不

等武科初入仕分爲三薦清族入宣傳薦其次入部將

薦竄下入守門薦然武科多取者或至千人朝廷無官

以待之於是薦而不仕白首乾沒者十之八九其初不得

薦者又百之九十七八天下之無法無制莫此若也夫

設科取人將以授職苟不授職何以科爲况族之清濁

非所以勸賢而育材也出身之初不問其賢愚才鈍遂

分三歧使不得比肩並列者抑何義理臣謂文科武科

每三年大比各取三十六人於是以校書正字十二人
國子正字十二人承文正字十二人待文科三十六人
己見上以武兼三十六人名之曰宣令官待武科三十
禮曹

六人待其仕滿其才學卓異者入于弘文館爲正字說

書共八人其武略卓異者陞爲宣傳官共八人其不能與此

選者文官轉而爲諸司別檢或出而爲諸道察訪武科
轉而入儀仗守禦之局或選而爲三營門將官及其陞
爲中士之後又或特入於王堂特拜爲宣旨官不可於
出身之初預斷其平生也南行初入仕亦三十六窠其
武臣之爲南行者其路益廣並詳遷轉法○臣謹案宣

傳官本是傳命之職而啓螺卽其所兼掌也上中下
三士各以二人專掌啓螺至於武兼專無職掌而徒作
武臣食祿之窠無義甚矣臣聞爲官擇人未聞爲人設
官今宜以內吹打屬之於武兼遂以宣令官兼之曰鼓
吹郎於其三十六人之內幾員掌鼓人幾員掌鉦人幾
員掌吹人令有所修舉令有所結束總隸於啓螺不令
徒食祿斯可矣

儀仗局提調中大夫一人鹵簿郎上士四人執扇郎中士
八人執爿郎下士八人繖蓋郎下士四人○書吏二人皂
隸四人扈仗軍八十人

儀仗局者部將廳也其提調兵曹參判例兼也鹵簿郎以下部將也本二十五員今減其一員也繖蓋郎者忠義衛之來仕者也扈仗軍者儀仗所軍士也○臣謹按部將者五衛之五部將領也五五二十五故其數二十五也五衛旣罷以其無卒之將爲武臣食祿之窠而因冒舊部之名有司之因循頽墮百事不振類如是也部將全無職事於是以其二員爲儀仗庫郎官臣謂部將廳改之曰儀仗局專以鹵簿之事屬之於部將而名之曰鹵簿郎儀仗有龍鳳扇金銀瓜宜名曰執扇郎執斧郎也遂以儀仗庫軍士爲鹵簿郎之率屬恐合事宜○

臣又接近例忠義入仕者亦執儀仗以扈駕今以四人附之於此局名之曰繖蓋郎也

守禦局提調中大夫二人下大夫二人司門校尉中士六人副尉下士十八人○書吏二人阜隸四人○城門校尉庶中士六人副尉庶下士十八人○空闕護軍三品官四人

守禦局者守門廳也城門之將空闕之將令焉提調左掖之中大夫都摠府右掖之下大夫內兵曹例兼之也司門

校尉者闕門之守將也本二十三人今增一員然部將減一員以彼而充此也空闕護軍者景福宮慶熙宮之

守將也○

臣

謹案正東門正南門各四人東小門西小

門敦義門光熙門彰義門各二人城門副尉所以爲十

八人也其校尉則每門一人

北清門今廢

唯彰義門無之也

○空闕守將其職銜曰折衝將軍守禦局副護軍分差

景福宮守衛官

龍驤衛都總管卿一人中護軍中大夫二人副護軍下大

夫四人副司果中士八人

即禁軍之正

副司正下士二十四人

即禁軍之領

禁軍二百四十人○書吏二人皂隸六人○又中

護軍二品官二人副護軍三品官六人教鍊官四人伙飛

郎二十人票下軍九十人

都摠管者龍驤衛虎賁衛羽林衛之都摠管也兵曹判
書例兼其職銜曰正憲大夫兵曹判書兼龍驤虎賁羽
林衛都摠管○臣謹案五衛旣罷其將領之官旣無卒
伍靡所歸屬散亂無統而禁軍七百又爲無將之卒於
是羽林將忠壯將忠翊將兼司僕諸將領又各散亂自
立而龍虎營堂上軍官別付料軍官之等又皆以無卒
之將別爲一局官制軍制兩皆雜亂苟且因循莫知端
緒臣以爲諸色將領與禁軍廳龍虎營混而合之摠得
將領官四十二人正領官九十六人禁軍七百二十人
別付料六十人票下軍二百七十人於是分之爲三衛

一曰龍驤衛二曰虎賁衛三曰羽林衛每衛中護軍四人副護軍十人以之爲將官每衛副司果八人副司正二十四人以之爲列校正即禁軍每衛教鍊官四人炊飛郎二十人別付料以之爲軍官每衛禁軍二百四十人以

之爲宿衛之士於是龍驤衛宿於左掖以明政殿月廊爲直廬虎賁衛宿於右掖以仁政殿月廊爲直廬羽林衛宿於中禁就建陽嶺上貳極門內授一空廡使爲直廬於是以兵曹判書爲龍驤虎賁羽林衛都總管統領三衛於是一將一卒無得加減團束宿衛巡警如法天成鐵鑄不見罅隙如是則一王之法制立矣○臣謹案

原制諸衛將領或以武大夫居之或以雜岐之二品三品爲之今不可細分宜截之爲法曰每衛中護軍四人則其二人大夫爲之其二人雜岐爲之副護軍十人則其四人大夫爲之其六人雜岐爲之正領以下並如舊例不必改也○臣又案原制曹司衛將二員文大夫爲之今擬龍驤衛副護軍其二人則文大夫爲之

臣謹按原編五衛將十二員

其二員稱曹司

內禁將三員羽林

將二員兼司僕將三員忠壯將三員忠翊將三員龍虎營堂上軍官十六員合而計之則四十二人也故三衛護軍之數爲四十二人○又按原編禁軍之正三十一

人禁軍之願六十三人共八十四人今禁軍增二十故
正願之數亦有加焉三衛正願共九十六人也每一正
統三願每一願統十人其數不得不然也○又按原編
禁軍七百人龍虎營別付料軍官八十人故禁軍增二
十以七百二十分爲三衛別付料減二十爲六十人名
之曰欽飛郎分之三衛然則禁軍中其二十人當以西
北人爲之也○又按原編龍虎營有票下軍二百八十
五人今減十五爲二百七十分之三衛

臣伏念禁軍正願本出於禁軍原願之中則九十六人
亦當於原願中爲之

虎賁衛都總管卿一人中護軍中大夫二人副護軍下大夫四人副司果中士八人副司正下士二十四人即禁軍正願禁軍二百四十人○書吏二人皂隸六人○又中護軍二品官二人副護軍三品官六人教鍊官四人佽飛郎二十人票下軍九十人

臣謹案原編文武諸臣及蔭仕雜岐之臣其無實職者例付軍職稱龍驤衛忠武衛臣謂自今文臣軍職付龍驤衛武臣軍職付虎賁衛蔭仕及雜岐軍職付羽林衛其官銜之上皆增檢校二字文臣上大夫其軍銜曰宣德將軍檢校龍驤衛上護軍武臣中大夫其軍銜

曰奮武將軍檢校虎賁衛中護軍○非文非武下大夫
其軍衛曰折衝將軍檢校羽林衛副護軍○其宣德奮
武折衝之號文武皆同其稱檢校者別之於三衛之本
員也

羽林衛都摠管卿一人中護軍中大夫二人副護軍下大
夫四人副司果中士八人副司正下士二十四人禁軍二
百四十人○書吏二人皂隸六人○又中護軍二品官二
人副護軍三品官六人教鍊官四人伙飛郎二十人票下
軍九十人

臣謹案龍驤衛其護軍手旗皆用正藍旗其禁軍頭盔

皆以藍紬護項虎賁衛其護軍手旗皆用正紅旗其禁
軍頭盔皆以紅紬護項羽林衛其護軍手旗皆用正黃
旗其禁軍頭盔皆以黃紬護項兵曹判書手旗左鑲藍
右鑲紅書其中黃曰三軍三衛司命又按原典禁軍
七百分爲七番每番三正九領入直今亦依此三衛每
番各一正三領入直于三所則率由而無所更也○又
按五衛將入直原有四所曰東所西所南所北所今三
衛旣立則四所分直之法自宜停罷

都統營提調公一人卿一人大將軍卿一人副將軍中大
夫一人別將下大夫二人從事官中士四人千總下大夫

四人把總上士六人哨官下士三十六人旗牌官十六人
知穀官八人○騎士二哨騎兵九哨步卒二十五哨○書
吏二十人皂隸四十人

都統營者訓練都監也○臣謹案旗隊分署之法凡十

人爲一隊三隊爲一旗三旗爲一哨五哨爲一司五司
爲一營五營爲一軍雖哨司以上隨時變通而其大數
則本然也凡一隊並計隊長火兵則十二人也則一旗
三十六人一哨一百八人加旗總三人則一百一十一人
也於是五哨一司爲五百五十五人五司一營爲二千
七百七十五人今擬都統營其步卒養之於京城之中

者只存一營之數

卽二十
五哨

又騎士二哨爲二百二十五

人

如步卒
之例

騎兵九哨爲九百九十九人若加四人步卒

騎兵共爲四千人其養兵之費宜以是而爲準也左禦

營右衛營各步卒二十五哨騎士二哨則其數各三千

人也

不足者
各三人

然則三營門京養之卒通共萬人而已雖

極寡弱今之國力無以踰於是也衛文公初年革車三

十乘及其晚年革車三百乘今我國力如衛之初年苟

治國有法不過數十年財富兵強當其時也量力而增

靡不可也○古者萬二千五百人爲一軍大國三軍則

三萬七千五百人也然此三軍非盡養之於國城之中

也通一國之田賦散在諸邑由是言之國城之內養兵萬人猶爲多矣今擬十二省監司各養兵千人十路兵馬使各養兵千人則已二萬二千人矣大州各養兵三哨諸郡各養兵二哨諸縣各養兵一哨則又數萬人矣豈止大國三軍之制而已今小縣束伍之軍皆不下五六哨然不養而編於籍皆虛名而已与其有虛名萬人不如置實養十人不可以寡弱爲病也餘詳軍制

臣竊伏念古制大國三軍故春秋傳晉楚之戰皆以三軍而中軍爲主其二軍或稱上軍下軍或稱左廣右廣雖其名不同其軍則皆三軍也 國朝軍制始建五衛

自萬曆壬辰倭寇之後五衛罷而五營設一曰訓練都

監宣祖壬辰後創設

二曰御營仁祖甲子始置御營使孝宗朝壬辰始設營

三曰禁

衛營

肅宗壬戌減訓鍊軍統以設

四曰守禦廳仁祖丙寅設

五曰總戎廳

仁朝甲子設

此所謂五軍門也當時南寇甫平北釁又啓

國步屢頻駭命僅續朝廷以懲毖之義陸續設營至

四至五而一時倉卒之制遂成永世之法國力不支經

費無源百官不能食祿衆胥無所仰哺將使國不能爲

國非細憂也

臣

嘗見禁衛營伺候軍持靴箠以隨軍官

者問其料布則厚於吏曹參議大司諫遠矣制國如此
弊將若何上下無等貴賤無別廉恥道喪貪冒成風此

制法之過也

臣

竊伏念養兵之法井田爲上也田次之

口賦次之今三者無所恃而官出粟米官出錢布以養
數萬口游食之民使其父母妻子咸免凍餒其勢不得
不催屈受其害者傭丐無告之民与夫 國家之大藏
而已豈不嗟哉今守禦廳已罷矣摠戎廳亦當罷之以
其數哨屬于北漢其餘將官待三軍門有窠以次移補
唯存訓御禁三營以遵大國三軍之制若其養兵之需
宜取東西南三郊悉以官錢買之爲屯田東郊屬之於
御營南郊屬之於都監西郊屬之於禁營募畿內軍民
之驍健而無田者每一夫授田五十負使之耕墾以應

卒伍之役休番作農以自給食以其農隙操鍊如法則
三代兵農之制庶幾復見於今日矣其或田少而夫多
則益拓其地取足而止未可已也今京軍充伍者十指
柔嫩肌膚如雪趨至百步喘而遂廢祈寒盛暑兩不能
堪此無用之卒也其鄉軍充伍者離家千里赴役半年
坐作進退雖令教習下番之日邈焉相忘一暴十寒無
以服習況後之上番者非昔之上番者乎此無用之卒
也必於京城數十里之內廣開屯田使農者爲兵兵者
爲農然後勁卒在伍而無不服習者矣洪惟我先大
王以禁御兩營濫念其弊必欲變通 絲綸屢降詢咨

遍及而當時股肱之臣皆不能對揚休命終使有爲之
志咸歸無成之議豈不恨哉今若悉收三郊以屬三營
則國中其騷騷矣然不騷騷而能成大業者天下未之
有也有能奮庸熙帝之載則騷騷其足恤乎斯可有有
道者言不可與油膩軟熟之人刺口而爭論也

臣謹案原編都監提調二員戶曹兵曹判書例兼臣謂

戶曹判書不必兼也故減之○又按大將國之重任宜

使正卿爲之原編從二品爲之○又按局別將三員局出身一

百五十則他營之所無也臣爲此編欲使文科武科其

數相等每三年大比但取二百人以其上三十六人爲

及第出身其餘皆爲進士

武則曰進武

許其入仕則局別將

局出身自在應減之中矣

左禦營提調公一人卿一人大將軍卿一人副將軍中大夫一人別將下大夫一人從事官中士三人千總下大夫三人把總上士六人哨官下士二十七人旗牌官十二人知教官六人○騎士二哨步卒二十五哨○書吏十五人
阜隸三十人

左禦營者御營廳也○

臣

謹案御營有別部千總一員

永宗僉使兼

外方兼把總十員

軍威藍浦古阜衿川長連伊川等

尤無義理

禁營之制亦如此斯皆不可不改正者也○三營提調
皆兵曹判書例兼

右衛營提調公一人卿一人大將軍卿一人副將軍中大
夫一人別將下大夫一人從事官中士三人千總下大夫
三人把總上士六人哨官下士二十七人旗牌官十二人
知教官六人○騎士二哨步卒二十五哨○書吏十五人
阜隸三十人

右衛營者禁衛營也○臣謹案大清會典其軍制分爲
八旗亦良法也

今擬羽

林衛用正黃旗龍驤衛用正藍旗虎賁衛用正紅旗以

分三衛之色都統營用鑲黃旗左禦營用鑲藍旗右衛
營用鑲紅旗以分三營之色管城衛用黑旗使守北漢
江華府用白旗使守江都恐合事宜

管城衛統禦使二品官一人副使三品官一人把總庶上
士三人哨官下士五人旗牌官三人教鍊官三人守堞軍
官二十八人牙兵五百五十五人○書吏六人皂隸六人

管城衛者經理廳也 肅宗辛卯創設 正宗朝革屬

摠戎廳

○_臣

謹案守禦廳既罷而歸之於南漢則摠戎

廳亦當罷而歸之於北漢然則管城衛當別爲一官矣
今按原編摠戎廳將官二十四人軍官三百三十二人

壯抄十哨牙兵十哨也壯兵三哨也牙兵三哨標下軍
三百八十六人又以南陽爲前營坡州爲中營長湍爲
後營又以臨津長山屬之於本廳各有馬兵東伍輜重
標下軍諸名臣以爲亟罷摠戎廳以其士卒播于左右
兩營以資其修潤或有零餘屬之於管城衛於事爲便
也其南陽軍馬宜屬之於華城其坡州臨津軍馬坡州
有防禦之責宜自爲一鎮其長湍軍馬宜屬之於松京
臣謹案一藝雜收仕者其階或至於正二品或之於從
一品與議政大臣同稱崇祿大夫及其禮貌之相接也
翰林新進坐而揖之名實之不相副莫此若也臣謂一

十八人阜隸六十人

臣謹案義禁府者周官之士師也義禁府亦治獄之官

本無巡警之責今俗謂之金吾謬矣

已見前

司憲府大司憲中大夫一人掌憲上士二人持平中士二人○書吏十人阜隸二十人○暗行御史十二人

臣謹案周禮秋官布憲之職掌憲邦之刑禁以詰四方

邦國及其都鄙達于四海則我司憲之府也故司憲府

屬之於秋官○臣又按今之憲府實兼諫爭之責宜於

職掌條列之○臣又按暗行御史者漢之繡衣直指所

謂出討奸猾治大獄者也

治獄者今謂

漢之侍御史即

今之司憲府臣謂暗行御史雖非常有之官宜列于憲府之職也其職銜曰通德郎司憲府掌憲欽差浪西省暗行御史其必十二人者分出於十二省也

監察院都御史中大夫一人監察御史上士四人中士八人○書吏十二人皂隸三十六人

臣謹案原制監察十三雖隸憲府憲府爲臺諫之官監察爲微官不相統攝其宜別也久矣臣謂監察別爲一

院

古制侍御史監察御史本自有別

減一員爲十二員每以二人監察

六曹之事及其宰屬每以二人監察六部之事每以一人監察十二省之事凡有枉法受賄賣訟鬻獄及貪婪

不法罷軟不任者監察得舉而劾之則中外必肅然矣
夫既專設一司使掌此事則凡有冤枉者必赴訴於本
院不患其不能察矣其都御史一人大司憲例兼其上
士四人掌吏曹兵曹東中部西中部京畿泗川省洙東
省松海省其中士八人掌戶禮曹刑工曹東兩部西兩
部南四省北四省抑所宜也

禁制司提調中大夫一人都正下大夫一人按察上士一
人中士二人○書吏六人皂隸十人

臣謹案原典刑曹有掌禁司以掌禁令其在周禮秋官
禁暴氏掌禁庶民之亂暴力正者撓誣犯禁者作言語

而不信者以告而誅之凡國聚衆庶則戮其犯禁者以
徇凡奚隸聚而出入者則司牧之戮其犯禁者斯亦至
要之官也臣竊伏念古者先王之立制也宮室有度衣
服有章飲食有數器用有等品級森然罔敢踰越今也
氓隸之賤苟有其財得用卿大夫之物而莫之禁焉上
下無別貴賤無等泯泯焚焚罔有限紀所謂刑曹憲府
之禁亂不過於千萬人之中橫執有厄之人以時詰難
而已先乎此而未嘗修明法條使之知避後乎此而未
嘗連續糾禁使之終悛民安得有懲法安得有立乎臣
謂專立一司以禁奢濫其朝官所犯上于憲府其庶民

所犯上于刑曹照律嚴懲未可已也○其中大夫一人
大司憲例兼其下大夫一人刑曹參議例兼其按察四
人王堂爲之比新增者也然司憲府減執義一員監察
院減監察一員以此充彼實所增者二員也○又按漢
城府亦有禁亂之名宜自今停罷不使令出多門宜矣
掌理署提調下大夫二人主簿中士二人參奉下士二人
○書吏四人皂隸六人

掌理署者典獄署也典獄捕盜名稱不典故人皆鄙之
所以改也○臣謹按原編典獄提調刑房承旨爲之
臣謂刑曹參議宜亦兼之

討捕營提調卿一人大使中士夫二人從事官中士二人
下士四人軍官庶下士八人助捕軍官六十人○書吏八
人皂隸八人

討捕營者捕盜廳也○臣謹案周禮秋官司厲掌盜賊
之任器貨賄辨其物皆有數量賈而楊之入于司兵其
奴男子入于罪隸女子入于舂槲又秋官掌囚之職守
盜賊凡囚者上罪梏拲而桎中罪桎梏下罪梏王之同
族拲有爵者桎以待弊罪捕盜者秋官之屬也提調卿
一人者刑曹判書例兼也大使二人者才右廳大將也
從事六人者左右各三人也餘皆倣此分於左右

巡警司提調卿一人副護軍六十人司寤郎中士六人巡綽郎下士六十人○書吏四人阜隸八人

巡警司者巡將廳也○

臣

謹案周禮秋官司寤氏掌夜

時以星分夜以詔夜士夜禁禦晨行者禁宵行者夜游者由是觀之則巡廳本秋官之屬也今亦依之○提調卿一人者刑曹判書例兼也副護軍六十人者文大夫二十人也武大夫二十人也雜岐三品官二十人也皆於三衛護軍之中選其年少者自兵曹抄啓下于刑曹文大夫行於上甸武大夫行於中甸雜岐護軍行於下甸左右巡廳各一人則凡爲巡警司護軍者一月唯一

夜巡行而已○司寤郎六人者兵曹佐郎三人刑曹佐郎三人也分之於左右廳則不過三人也上佐郎以其三人分掌三旬每於夜寢之後微服巡行以察巡警司之勤慢又察非常如今兵曹郎監軍之法○巡綽郎六十人者武兼宣令官二十人也儀仗局郎官二十人三衛正領官二十人也亦自兵曹每朔抄啓下于刑曹分于左右巡廳如副護軍之法

路鼓院提調中大夫一人判官中士二人奉事下士二人○書吏二人皂隸四人

路鼓院者唐宋之登聞鼓院也○

臣謹案周禮太僕建

路鼓于大寢之門外而掌其政以待達窮者聞鼓聲則
速逆御僕宋文帝元嘉元年魏王詔闕左懸登聞鼓以
達冤人唐大曆十四年詔天下冤滯者聽撾登聞鼓宋
景德四年詔改鼓司爲登聞鼓院以達萬人之情蘇軾
判登聞鼓院程伊川兼判登聞鼓院皆此職也大明之
制亦因宋禮我太宗二年設申聞鼓以通下情但無
鼓院且鼓在闕內而閤禁至嚴唯京輦搢紳之家權著
朝衣入而撾之邈外氓隸之賤無由一捫况敢鼓之哉
臣謂丹鳳門最近於便殿就丹鳳門外買一屋起高
樓以爲路鼓之院凡有冤者懷狀至院登樓擊鼓以狀

授院郎卽雖罪孽惡人諄言妄說院郎有受而無却亟
以其狀送于政院聽 朝廷處置誠不易之良法也鬻
子云禹置鍾鼓磬鐸以待四方之士書傳云堯置敢
諫之鼓此亦鼓院之所宜掌故唐宋之制鼓院不唯達
冤亦以來諫使諫議大夫管此鼓院以受章奏下至奇
方異術亦得自陳皆所以廣達四聰也但情無可冤者
及言無可採者 朝廷罪之使萬民不敢以無情之言
欺罔 上聽搆陷法官斯可矣○提調二人都承旨例
兼也判官二人增置也

禮賓寺提調卿一人都正下大夫一人主事中士二人參

奉下士二人（書吏六人阜隸十人）前代廟令中士十人

臣謹案禮賓寺者周官之司儀掌客也司儀掌客屬於秋官故今亦依之原典屬禮曹又按原編云提調戶曹判

書例兼令擬刑曹判書例兼也原編本有都正近又減之然每當賓客必差分戶曹以掌其事曷若都正之勿減乎存之恐好

臣謹案二王之後周人待之以賓禮今擬新羅高麗等前代之祀亦自禮賓寺主之俾有所統率也（平壤箕子廟令職銜云通德郎禮賓寺員外郎分差箕子廟令

他皆倣此○箕子廟令二人以平壤人爲之新羅朴昔
金三祖合爲一廟其廟令二人以嶺南下道人爲之并
辰迦羅國太祖廟令二人以潢西南沿人爲之高句麗
太祖朱蒙廟令二人以沮西清西人爲之百濟太祖溫
祚王廟令二人以京畿洊南及泗川西邊人爲之高麗
太祖廟令二人以松都人爲之並以落仕閒居者權差
無遷轉之法○臣謹案并辰者金海首露王之國也詳見
疆域考其廟宜設於金海百濟溫祚王國都卽今之廣州
古邑也今人誤以稷山爲溫祚所都大謬又南漢山城
耆日長城也與溫祚無涉溫祚之廟當設於廣州古邑

行人司正使公一人副使卿一人書狀官上士一人○提
調卿一人主簿藝中士二人通官三品以下三十人皇曆
賈咨官中士一人○書吏二人阜隸六人○日本通信使
正使下大夫一人副使上士一人書狀官中士一人

臣謹案冬至朝京之使雖非恆有之官舊使四月而回
新使六月復出其間纔一月又或有別使間出亦恆有
之官也每當治裝之時別賃邨屋以庀其事名之曰乾
糧廳主其簿者名之曰乾糧判事行發而罷年年更設
體貌之苟且莫此若也然且奉使之臣折簡飛書求乞
外邑狗皮海蔘慰刀交刀俚瑣之物無所不求旣受而

鬻以補行橐曾謂堂堂千乘之國奉使出疆之臣乃行乞人之事而莫之知恥也臣謂當京城之中於鍾樓廣通橋之上別立公署名之曰行人司其提調刑曹判書例兼其主簿二人以司譯院中士爲之每歲孟春發閑于外邑徵其年例所納或以本錢或以土物收貯于庫中以待新使之出供其雜費庶乎事面稍正也

臣謹按周禮秋官大行人之職乃天子之國所以待諸侯之賓者非諸侯之所以遣行人於天子也然其爲行人之司則一也臣故以行人司屬之於刑曹○又按日本通信之時其使行宜亦自本司治之

綏遠司提調中大夫一人都正下大夫一人按察中士六人主事中士二人○書吏四人阜隸八人

臣竊伏念綏遠人者王者之大政也吾東壤地褊小北不過二千餘里南不過千里然北方皆連陸之地廢四郡之外王靈未嘗不到唯西南海諸島其大者圍過百里小者四五十里星羅棋布小大相間其數無慮千餘區此國家之外藩也乃自開闢以來朝廷未嘗遣一介之使疆理此土沿海郡縣自以其力舊相役屬強者多得弱者寡獲一抹青山明在此縣之前而問其所屬則數百里外絕遠之郡遙顧之矣又或名隸郡

縣而實係他處或折授於官房或畫給於軍門或輸貢
於土豪或結契於官吏其有鎮堡者隸於水營其有別
將者隸於京營桀黠四出椎剝唯意雖欲赴訴於郡縣
風濤險阻動至旬日閹吏壅蔽咫尺難通故凡海島之
民縱有冤枉甘心負屈誓不入官凡魚鹽之場一入稅
額雖滄桑屢變而莫之或免凡舳艫之船一入稅額雖
張李累換而莫之或脫凡鬪毆之殺例皆私和凡異國
之船太半隱匿年凶則挈妻攜子往投日本假稱漂人
以活其命寇至則帶兵負粟先據險地自作戎陣以拒
朝令蓋自羅麗之世其來久矣臣久居海上習知其

情謂宜別建一司以掌環國之海島名之曰綏遠司典
其版籍均其賦斂禁其侵漁除其疾苦立法之初分遣
監察御史授以規式巡行諸島正其疆理書其戶口詢
其弊癘歸而會之著爲法制頒于諸島使之欽遵又每
三四年遣本司郎官暗行諸島察其奸猾又凡島民有
冤鬱者許令直訴于本司使諸島之民得有所依怙誠
綏遠之大政也○或曰國力貧弱何以增官臣以爲海
島者我國之幽藪也苟一經理將有無名之物水湧
而山起綏遠之司將與戶曹相埒豈郎官數人之所能
盡食哉臣嘗因羅州海島之民問其疾苦則十二島歲

贈邑主人之穀六千餘石錢絮鮮薨諸物稱是卽羅州
一小校之所食也今諸路守令一年月廩雖大邑不能
爲千石而列邑小校所食如此其可曰國有法乎只此
六千石屬之綏遠司亦足以爲腴司矣

臣謹案綏遠司旣立則濟州廢四郡及滿河六鎮之事
亦宜照管並詳職掌篇○又按提調一人刑曹參判例
兼其都正一人副提學例兼以重其勢按察郎六人令
京畿四川完南武南潢西嶺南諸監察例兼之唯主簿
二人爲新增也

司譯院提調公一人上大夫一人中大夫一人副正藝上

士一人判官中士二人奉事下士四人○漢學教授中士
四人訓導下士四人蒙學訓導下士二人滿學訓導下士
二人倭學訓導下士二人○書吏四人皂隸四人

臣謹按周禮秋官象胥之職掌蠻夷閩貉戎狄之國傳
王之言而諭說焉以和親之若以時入賓則協其禮与
辭言傳之凡其出入送逆之禮節幣帛辭令而賓相之
譯官卽象胥也故屬之刑刑曹
原典屬
禮曹

掌胥院提調卿一人都正下大夫一人僉正上士一人按
察中士二人○書吏二人皂隸十人

臣謹案原典刑曹有元惡鄉吏條其目曰操弄守令專權作

弊者陰受貨賂差役不均者收稅之際橫斂濫用者冒
占良民隱蔽役使者廣置田庄役民耕種者橫行里閭
侵漁營私者趨赴貴勢邀避本役者避役在逃隱接村
落者假仗官威侵虐民人者良家女及官婢作妾者許
人陳告令司憲府推劾科罪犯徒者永屬本道殘驛吏
犯流者永屬他道殘驛吏守令知而不舉劾者以制書
有違律論法非不善而有法不行不如無法 祖宗朝
爲生民深遠慮若此而今也格之不行噫且柰何臣久
在民間習見鄉吏之事其病國害民靡有紀極爲著鄉
吏論十首備陳其弊苟不及今矯救方來之禍必至難

言國必盡蠹而後己民必盡蠲而後己臣非敢爲過情之言也謂宜別立一司專掌十二省鄉吏定其員額班其條例嚴其限制一有違越卽本院舉而劾之庶可以撲其焰而回其瀾矣一量田民之多少以差其額雖大邑無過於三十也一鄉吏毋得世襲須至玄孫之世乃得勿拘也一鄉吏毋得家專親兄弟不得並列八寸之內無得踰三人也一吏房倉吏都書員均役吏大同吏等凡錢穀出納有權之任宜以鄰邑之吏來而爲之如今營吏之例也一吏房之任亦每年遞易須過十二年乃得再任也每歲孟春戶長朝正凡某人之爲某任皆

書于版以報本院每有遞易許具由飛報並自本院差帖成給其無本院差帖者不得行公又每御史分出之時必於本院受本省諸邑吏任之案以去其或有違於法制者御史覈治之如是者數十年則庶乎其氣焰少衰而奸猾少息若一向任置認之爲鼠竊狗偷而莫之禁制則亡國之根未必不在於是矣並詳鄉吏論今不疊述○都正曾經大司諫者爲之郎官並以王堂爲之必清峻剛正者乃可以居此官也苟非其人頽惰依舊增一冗官而已

臣又按鄉吏之弊甚於鄉吏臣幼時見所謂京主人營

主人皆賤隸下卒趨走供役蓋其時廩料貧薄權力未
盛故卑者爲之數十年來世情大變朝綱日頽京主人
賣買之價或至五千兩營主人賣買之價或至一萬兩
蓋其役價日增贏利甚多其價百倍於前時也其價百
倍則其利之百倍可知也其利百倍則其剝民之物亦
百倍可知也於是京邸營邸皆桀黠雄特者居之貨利
旣豐權力益強其剝民益深民之大病蔑以加矣其所
以然者有四端其一朝貴買邸吏也其二守令受賂物
也其三監司多僭法也其四守令畏廉問也數十年來
文武貴臣潛買邸吏之窠以予其儼從坐收其利於是

真邸坐於堂上假邸伏於庭下凡有告訴無不曲副此
所以京主人之權日增月盛也又凡邸吏行賂於守令
之家要增役價賂五則增五賂十則增十守令食一時
之賂邸吏享萬世之利此所以京主人之利日增月盛
也數十年來按道之臣妄自尊大營用雜種皆說貢物
以諸邑主人分之爲貢人使之策應所謂本價什不償
一於是邸吏所願無不曲副充其谿壑以自贖愆凡所
謂役價米進上價米有增無減罔有限節甚則 坤殿
新臨 慈殿上陟 新殿之進上有增而 舊殿之進
上不減御史發之而去監司復之而坐民言鼎沸莫之

或正此所以營主人之利日增月盛也又凡監司之廉
按臧否皆用營屬是皆營主人之姻婭族黨也敷同和
應打成一片利於邸則阿譽日騰妨於邸則墨毀日蜚
邸吏所睨百無一全守令知其然也惴惴栗栗唯願是
從此所以營主人之權日增月盛也養戶防結翻弄國
穀有甚於鄉吏及今不矯終必有悔臣謂京外邸吏亦
自掌胥院主之正其法制禁其橫猾未可已也

掌隸院提調下大夫一人司議上士一人司評中士二人
○書吏二人皂隸八人

臣謹按掌隸院本是要職近復革之合于刑曹然奴隸

者我國之大政也不可不別爲一司專掌其事凡寺
奴婢驛奴婢官奴婢私奴婢皆當修其法禁聽其爭訟
也提調刑曹參議例兼臣又按周禮司隸原屬秋官
而罪隸蠻隸閩隸夷隸貉隸爲其率屬原典之以隸院
屬於秋曹有所本也

臣謹案國制僧徒隸於禮曹此羅麗之遺法也僧徒
習於異俗宜自掌隸院句管

量衡司提調公一人卿二人都正下大夫一人僉正上士
二人按察郎十二人主事中士二人○書吏二人皐隸十
二人

臣謹案同律度量衡者一王之大法也舜在璿璣王衡以齊七政及其出巡同律度量衡爲首務周武王立國之初其第一大政曰謹權量審法度明堂位記周公攝政之初第一大政曰制禮樂頒度量月令曰日夜分則同度量均衡石角斗甬正權概管子七法曰尺寸也衡石也斗斛也角量也謂之法吳越春秋云禹調權衡平斗斛以爲法度皇王帝霸雖其正譎不同咸於是致力焉國之大政其有踰於是者乎乃度量衡之無法未有甚於吾東一城之內市市不同一邑之內村村不同一村之內家家不同一家之內其所以收發者不同其流

之害不可勝言吏胥夤緣而爲奸商賈疑眩而不通廟
堂之臣聞其市價而無以知四方之情有司之臣無以
量入而爲出監守之臣無以按簿而責實臣嘗見棉絮
一帊以東家之衡爲四斤以西家之衡爲十二斤鬻於
市則爲三十斤入於官則爲四十八斤授於織戶則還
爲十斤天下之不可知者此事也臣謂專立一司以掌
此事凡六部十二省度量衡其毫釐有差鎰銖有舛者
僞用極律誅其人沒其貨罪其官申其令使一國之民
皆知爲莫嚴之物然後法制可議經用可定矣本司歲
造衡尺千二百頒之于十二省十二省各歲造衡尺萬

枚輸之于本司又歲造衡尺數萬以給民間皆輸其價
本司以十二萬頒于六部以供民用令中外之制得相
校準其斗斛及槩六部所用本司造之諸省所用諸省
造之皆民輸其價唯其詐僞以時按察凡衡尺斗斛皆
有款識其或私造者與私鑄錢同律乃可立也○臣又
按度量衡者刑禁之首也故屬之於刑曹○按察郎十
二人監察例兼

券契司提調中大夫一人主簿中士二人○書吏二人阜
隸八人

臣謹按周禮質劑券契皆有司掌之所以禁其詐僞止

其爭訟今中國之法凡有賣買猶須紅契紅契者印券也我邦凡宮室田園奴婢之等皆私自成文私自成言未嘗關由於法司及其詐僞綻而爭訟起然後乃關法司法司何以知矣今宜鐵鑄小板唯書年月日數字及券契司題準等字其賣買人姓名及物貨名目等字並空而勿填於其上下刻龍首雲氣細如絲髮令不得僞造乃以堅紙揭出每有賣買或分給子女皆詣本司乞券官填書踏印以給之書之于版藏于本司以貨之百一輸于官歲以券數萬張頒于諸省令中外皆同凡有訟者先考其券契若非官券卽不聽理貨沒于官此

亦王者馭萬民之大權也若放債賒貸典當之等亦令受券勿書于版若器用小物價不滿五十兩者聽其爲私券若宮室山林田園奴婢之類雖小勿許○提調一人刑曹參判例兼

臣謹按質劑券契本是地官之所掌而以其爲法禁所係故今屬於刑曹

津關司提調下大夫一人司閔丞下士三人司渡丞下士四人○書吏二人阜隸二人

臣謹案周禮有司關之職司貨賄之出入掌其治禁與其征屢凡貨不出於關者舉其貨罰其人此与孟子之

諸路大津

義興澹泗

泚及潢濫

汝津其能

隻撻教並

宜照管每

路關防亦

石洞仙掌

竹嶺大關

鐵嶺王等

城環完故

宜照管

言幾而不征者不同然古有是法特文王不爲之耳唐

宋之制關津幾禁爲刑部之所分掌國制三田渡漢

江渡露梁渡楊花渡皆有渡丞今謂之別將唯關不設

臣謂慕華嶺西路之大關也忌憂嶺東路之大關也水

踰嶺北路之大關也宜於此地並置司關之官掌其幾

禁凡大貨出入收千一之稅以補公署之用其總會之

署設於刑曹之傍三關四渡以時會議無常直之官唯

留其吏隸以待傳知○若禁物潛出亦須察之○其提

調刑曹參議例兼

職金署提調下大夫一人主簿中士二人○書吏二人皐

隸四人

臣謹按周禮秋官有職金之官掌受士之金罰貨罰入于司兵金罰貨罰者今之贖錢也今罰贖之錢皆自刑曹徵之非所以尊嚴體貌自今罰贖皆自職金署主之以納刑曹唯摘其什一以資公署之用

臣謹案罪人之籍沒家產者納于戶曹事體未安臣謂自今籍沒之貨納于職金司其田土分給貧司如通禮院六保署禮賓寺等諸衙門以補公用其奴婢屬于掌隸院其金銀銅鐵之器屬于職金司其雜貨皆自本司發賣亦分給貧司抑所宜也但獄有冤允或日後伸理

宜還給本家其沒入數目之簿宜留本司以待日後憑
驗○臣又按懲貪之典莫如沒入宜自禁府計其贓物
出付職金司使之徵督以給貧司或付司兵寺以造軍
器亦古法也

掌城署提調卿一人判官上士一人主簿中士二人○書
吏二人阜隸六人

臣謹按掌城署者周官之墓大夫也墓大夫掌邦墓之
地域爲之圖令國民族葬而掌其禁令正其位掌其度
數使皆有私地域凡爭墓地者聽其獄訟本屬春官今
以其獄訟繁興故屬于刑曹其提調刑曹判書例兼○

臣竊伏念周公族葬之法載之經禮赫然如此而郭璞
以來風水之說日新月盛廣占塋域以專吉氣凡在數
百步之內者禁人來葬或謂之壓脈或謂之對衝鬪毆
發掘獄訟繁興臣謂自今申明族葬之法其風水誑惑
者聽本署緝捕懲治凡十二省負屈於塋域之訟者許
令直訴本署斯亦正風俗止獄訟之一助也

臣謹按戶典云板商必受歸厚署帖文公私棺材之來
泊京江者歸厚署什一收稅修粧板松板之不合棺材
者本曹什一收稅今宜以歸厚署之舊法移屬於掌域
署令國中棺槨之材皆仰給於本署抑所宜也但舊法

疎略奸僞日滋宜修明條例使民無得而犯禁然後乃有實效也歸厚署本掌禮葬斯則哀榮署主之

律學署提調卿一人教授中士二人訓導下士二人檢律下士二人○生徒四十人增額生徒四十人

臣謹案近世士大夫專不讀律居官犯法多由於此臣謂每臨大政先自刑曹試講律書其能講者許爲守令庶有補也

卷之十

...

...

...

...

經世遺表卷之六

負累臣 丁鏞 撰

冬官工曹第六

事官之屬工曹判書卿一人參判中大夫一人參議下大夫一人正郎上士二人佐郎中士四人○書吏十人皐隸二十人

臣謹按工曹古之司空司空者司其空土也馬融云室屋

田地隸於司徒其山林川澤空曠之地隸於司空又有

虞官亦掌山澤

堯典云益作朕虞

周禮山虞澤虞皆屬司徒禮

有損益也

國制山澤掌於工曹亦古制也○又按工

曹者古之共工也

堯典云垂作共工

周禮冬官一篇闕漢儒得

考工記以補之六工之名粗備而官名猶缺所以歷代
官制工部多略今擬先之以山林川澤繼之以百工以
爲冬官之屬

山虞寺提調卿一人僉正上士一人主簿中士二人參軍
下士四人○書吏二人皂隸六人

臣謹案周禮山虞掌山林之政令仲冬斬陽木仲夏斬
陰木凡竊木者有刑罰國制有四山參軍惟掌京都
之四山其制未備也今擬十二省名山大嶽皆書于籍
辨其方域別其土宜管其種植察其屬禁收其賦稅以

佐國用未可已也○又案周禮有冥氏雍氏屬於秋官冥氏爲阱獲以共猛獸獻其皮革齒毛雍氏亦掌阱獲而我邦捉虎之政及熊羆鹿豕狐狸之等其皮毛齒角無所主管疎略甚矣宜自山虞寺主之

林衡寺提調中大夫一人主簿中士二人參軍下士八人書吏二人阜隸四人

臣謹案林衡者山虞之屬官也山虞並掌山林林衡惟掌其林木也國法唯松有禁然五鬣松其材更美而兼有佳實檜柏枌榆楓榲之屬皆是美材皆宜設爲厲禁收其賦稅臣非敢爲聚斂之說也國法未備山林

川澤民自爲主一錢不出於是 國用不足爲還穀焉
爲軍布焉爲民庫焉爲結米焉百道浚削困其鰥寡慘
怛窮迫有不忍見均役之說僅及於魚鹽般稅而山林
川澤猶不舉論使土豪官吏專享其利 國之無法莫
此若也況皮毛齒角爲 國幣兵器之所切需而官旣
不收民不知用但食其肉棄而朽之國安得不貧乎 臣
嘗見三國志南北史吾東之貂鼠人蔘爲國重幣而今
也土豪官吏專享其利彊則吐之柔則茹之其害終歸
於小民也林衡之司何得不設並詳職掌篇○又案南
方諸縣產茶極美 臣以所見海南康津靈巖長興凡沿

海諸邑莫不產茶臣謂凡產茶之山令地方官封植禁
民樵牧待其茂盛歲以茶幾斤輸于林衡送于滿河省
以市良馬頒于牧場亦足以贍國用也

臣謹按西南海島若長山安眠邊山莞島之等其松田
雜木皆以鎮將主之臣謂鎮將職銜之末皆兼林衡寺
參軍使知咸肆於本寺報其衰殖輸其賦斂未可已也
其曰參軍八人者大約言之也○又按諸路寺刹其樹
木茂密者宜亦書于版籍藏于本寺以收其賦稅但此
等賦斂宜薄而不宜厚也

驛虞寺提調卿一人僉正上士二人主簿中士二人○書

吏二人阜隸六人

臣謹案原編堤堰司都提調三公例兼其提調卿大夫二人今以堤堰司爲澤虞寺制官與山虞同又按周禮澤虞掌國澤之政令爲之厲禁使其地之人守其財物以時入之于王府川衡掌川澤之禁令其犯禁者執而誅之然山虞澤虞皆以中士爲長林衡川衡皆以下士爲長是又澤大而川小也然且山虞每大山其官十有二人林衡每大林其官十有二人澤虞每大澤其官十有二人川衡每大川其官十有二人則凡天下之大山大林大澤大川皆王公爲之主以收其貨賄故公室

豐足百姓皆受田百畝秋熟而無稅唯治公田以當什
一故百姓豐足今也山林川澤棄之不收唯力田之民
是剝是椎於是公私兩匱上下俱困唯貧官污吏土豪
奸民居其中間專享其利國之無法乃至是乎吾東
別無大澤然義林池合德池空骨池碧骨池若使養魚
種蓮屬禁有守則其賦斂之輸于官者宜亦不少又凡
堤堰其灌溉之民宜有賦斂不可使素享其利但此等
稅額宜從極薄苟存其名而已

川衡寺提調卿二人主簿中士二人濬川郎下士四人
書吏二人阜隸四人

臣謹按原編濬川司都提調三公例兼其提調三營大將例兼今擬提調二員兵曹判書工曹判書例兼若京城濬川則自兵曹知委三營以發其軍不必使三營大將為提調也其濬川郎四人三營門從事官各一人及工曹佐郎一人宜兼之

臣謹案我國大川西北曰滌水江鵬滌次北曰薩水江卽清

次北曰湏水江大同次北曰瀦水江禮成次北曰帶水江臨津

京江曰洌水江南北次南曰泗水江白馬次南曰鴈水江發於高山

入于萬頃海次南曰滌水江滌山迤東曰潺水江豆恥又東曰瀝

水清州之東會于潢水江洛東其在極北者曰湍水江豆湍

凡此大川其漁梁之所刺取舟艍之所聚會其地利豈有既乎今沿水豪右之民皆潛出立案以爲己物收其賦斂以自贍夫清流白沙空空蕩蕩此豈一夫之所得

私哉臣謂十二省諸大川之漁梁立案者一並嚴禁燒

其私籍一並屬之於川衡寺其漁所之有名處如洑水之斗尾

者及船牒之都會處如潢水洛東略定稅額使輸川衡寺以

補國用抑所宜也其舟船則固已輸稅於均役唯其店舍宜有稅也

繕工監提調卿一人中大夫一人副正上士一人主簿中

士二人監役下士二人書吏六人皂隸十六人

臣謹按原編提調一員戶曹判書例兼恐不宜也今擬

工曹判書例兼○又按原典主簿奉事共四人監役假
監役共六人此爲白徒入仕之路而增設之也然苟有
學行才諳他官亦當勿拘何必假監役是授哉臣聞爲
官擇人未聞爲人置官况內冰庫藏冰獻冰亦令監役
爲之其不當甚矣此編藏冰之法欲於城內鑿竈爲之
說見內冰庫欲於禁苑鑿竈爲之則冰庫之官足可以
兼供內冰又何必監役是借哉職務如是故繕工監郎
官直減六員臣意猶以爲多也

利用監提調中大夫一人僉正上士二人別提中士二人
學官下士四人○書吏二人阜隸八人

臣謹案春秋傳正德利用厚生爲王者致治之大目中

庸曰旣廩稱事以來百工周禮橐人職曰考其弓弩上

下其食月令曰孟冬命工師效功物勒工名刻名於其器以

考其誠工有不當必行其罪先王之勸百工如是也苟

使精巧者增其餼廩則四方機巧之人將聞風而來集

矣農器便利則用力少而穀粟多織器便利則用力少

而布帛足舟車之制便利則用力少而遠物不滯引重

起重之法便利則用力少而臺榭隄防堅此所謂來百

工則財用足也然百工之巧皆本之於數理必明於句

股弦銳鈍角相入相差之本理然後乃可以得其法苟

非師傳曹習積有歲月終不可襲而取之也臣於先

朝校書奎瀛府內下圖書集成考工典第二百四十

九卷卽奇器圖說彙編者也其後又見奎章閣檢書官

朴齊家所著北學議六卷其後又見故儒臣朴趾源所

著熱河日記二十卷其載中國器用之制多非人意之

所能測昔將臣李敬懋嘗謂臣曰今兵器火器皆是新

制日本鳥銃今爲古調此後南北有憂不復以鳥銃鞭

棍至矣今之急務在於北學中原誠識務之言也臣謂

別設一司名之曰利用監專以北學爲職提調及僉正

二人以精於數理者擇差其別提二人以有目巧手巧

者爲之其學官四人就司譯院觀象監極選其精於數
理嫻於官話者各取二人歲入北京或行貨以購其法
或厚價以購其器凡安炕燒甕造車造器鍊鐵鍊銅燔
瓦塼瓷以至引重起重解木解石轉磨轉碓取水代耕
風磴輪激之法虹吸鶴飲之制諸凡農器織器兵器火
器風扇水鏡以至天文曆法所需儀器測器凡係實用
之器無不傳學歸而獻之於本監本監聚巧匠按法試
造其有成效者提調及工曹判書考工課最或授以牧
官察訪或授以縣令郡守其有大功者陞之爲南北漢
副使或錄用其子孫則不出十年必有成績而國富兵

強不復見笑於天下矣故大夫李基讓奉使赴京得剝
棉攬車歸而上之先王特命五軍門依樣造作頒之
八路命纔降而仙馭賓天事竟不行其制朴陋不奇
然一人間坐踏車曰剝棉二百斤亦足以利紡織而通
貨財惜乎其不行矣或曰國力方貧何以增官臣
謂國力貧故急設此官也况繕工監減郎官四員減書
吏十人以設此官臣未嘗增官也

司兵寺提調公一人卿二人僉正上士二人主簿中士二
人○書吏六人阜隸十二人

司兵寺者軍器寺也原編提調一員兵曹判書爲之今

擬工曹判書爲之其一員武將爲之○又按軍器寺郎官多至十人亦所以待無祿之武臣也今減六員以設他寺

修城司提調卿三人主簿中士六人奉事下士六人○書吏二人皂隸四人

臣謹案原編有修城禁火司其都提調大臣爲之其郎官十三員多以他職來兼近復革之京城之周三十里分爲三段三營門各掌一段隨毀隨補今擬北營之中北營在耀金門外以其一廨爲修城司其提調三將臣例兼其郎官三營將官中擇差而兼之不唯京城是修也十二

省所在諸城並自本司句管三營各掌四省察其完毀
飭其修補其功狀罪狀一上于兵曹一上于工曹以定
課第不可已也○臣又按周禮掌固之職掌修城郭溝
池樹渠之固本屬夏官今以其事關營作宜与利用監
相須故屬于工曹

臣謹按中國築城皆以甃甃故堅完難破且平地之城
皆內外夾築吾東之城皆削石依崖而築之一皮之內
皆腐土也一夫鈎之隨手崩圯將安用之宜自利用監
亟通燒甃之法凡諸路邊城限以百年次次改築毀其
舊石鋪地爲基乃用甃築設雉如法未可已也○臣又

按沿邊諸城皆朝夕待變之地其占地宜唯用兵之勢是度是觀而風水之說久已惑亂凡相邑基者皆唯龍勢水法是拘是逐臣以所見西南諸城無一可守是亦修城司之所宜知也

臣謹案原典修城禁火合而爲一故今亦因之周禮秋

官司烜氏中春以木鐸脩火禁于國中今以其救火諸

器宜与利用監相須故屬于工曹○又接近例凡城中

失火三營門奔救其郎官十二人旣以三營將官爲之

其公署宜設於三處一設於北營在耀金門外一設於糧餉

廳在葺洞

一設於守禦舊廳在小貞洞之北又於諸坊置水鏡於

三十六所三營各掌十二所凡有火災以水銃救之未可已也

臣謹案司烜者禁火之職也今法禁蕩然東西北諸路其山滾樹密之地皆烈山澤而焚之以爲火農國制山腰以上犯耕者有罪而有法不行不如無法材木不長金銀不凝文皮異角之獸悉走境外國瘠民貧其竅多矣且所謂山腰以上者本自不明山有崇卑或以十里爲腰或以百步爲腰或以十步爲腰孰知其腰哉今宜申明法制自平地計之其橫竿垂線三百步以上勿許耕墾其滾山茂林任相放火者自本司探聽或遣吏

審視然後徵其罰錢責其守臣抑所宜也

典圜署提調卿一人主簿中士二人奉事下士二人○書吏二人皂隸八人

典圜署者鑄錢所也古所謂九府圜法皆鑄錢之謂也今鑄錢皆自營門爲之其制有萬不同或大或小或厚或薄其字書模糊不明雖愚民盜鑄無以辨覈况其範合雜以鬆脆之物隨手破碎不能十年此亦自利用監學得中國鑄錢之法皆於典圜署鑄之而圜法本有輕重輕重者輕錢重錢也今擬一葉之錢約鑄萬緡則十葉之重以爲一葉止鑄千緡以當小錢之萬緡又以百

葉之重以爲一葉止鑄百緡以當中錢之千緡則範鑄
既省其功費流行又便於算計其葉既厚亦可經久此
輕重之本法也又今天下萬國皆有銀錢金錢銀錢金
錢之中亦有大中小三層羅州黑山島人文淳得以嘉
慶辛酉之冬漂流西南海歷覽琉球中山國寧波府呂
宋國安南國至廣東香山畧多見海外諸國之大買其
所用錢貨槩皆如此今擬以銅錢一葉之重鑄銀錢一葉
以當銅錢五十又以銀錢一葉之重鑄金錢一葉以當
銀錢五十亦各有大中小三層則三品之金總爲九品
之錢真可謂九府圜法矣

臣竊伏念五金八石皆以日

月諸星之精積年凝結乃成其形一礦既鑿千年不復
此有限難得之寶也錦繡絹布之屬蠶絲羊毛歲歲生
生此無限易得之物也我國歲以金銀數千萬兩入
于中國以易其綿繡絹布此以有限博無限也幾何不
氣盡力竭而廢哉我之金銀既罄卽彼之錦繡不出楚
楚之服亦豈能常得之哉臣謂金銀之錢行於國中則
其入燕者有減又錦繡絹布之屬絕勿往貿令利用監
傳學其法以頒國中則不亦兩利乎學之不能寧衣敝
襤不恥而金銀不可入也○典圉署大夫郎官亦以三
營門將臣將官爲之每遇式年許其輪遞假如子年都

統營將士典此署至卯年左禦營代之至午年右衛營代之至酉年都統營復代之

臣謹按禮曰弁冕兵革不藏於私家卽戎器不可以私造也古制唯天子作樂唯天子考律樂器不可以私造也然戎器樂器不可盡然唯銅鑄之物禁其私造戎器則鉦鑼鐃鐃喇叭之屬皆自典圜署鑄之雖三營門皆於本署鑄去外達于十二省皆取用於本署樂器則大而鍾鐃小而僧磬巫鉦古詩亦以僧之皆自典圜署鑄之雖掌樂院皆於本署鑄去外達于十二省諸寺刹皆取用於本署如有私鑄者與私鑄錢同律其戎器樂器

皆刻雲氣款識又其大小長短必令毫髮不差斯亦一
制度之微權也管子以三脊之茅摠攬諸侯之權况於
戎器樂器乎其生厚則其業勤其業勤則其技精斯又
來百工之一助也鑄錢非恒有之事或五年一鑄或十
年一鑄恃此爲生鑄工其散矣

典堵司提調卿一人僉正上士一人主簿中士二人○書
吏四人阜隸八人

臣謹按冬官考工記匠人營國九分其國中爲王宮面
朝後市於是左右六鄉兩兩相向古之制也然匠人營
國其方九里則一區之方不過三里方三里者九井之

地也

孟子云方里而井

古制五州爲鄉鄉者萬二千五百家也

萬二千五百家分於九井則每一井得一千三百八十

九戶

一溢出一戶

者一井九百畝則一夫百畝也一千三百八

十九戶分於九夫則每一夫之地得一百五十四戶

其餘

者三

一百五十四戶分之爲百則每一畝之地得一戶

有半零此非所謂一畝之宮也且其間有溝洫環涂又

卿大夫之家必不与庶民同制國方九里則一鄉所函

必不得爲萬二千五百家此二經之不合者也國方九

里必非天子之國或所謂九里者與井田之方一里有

不同耳○今擬營國之制亦九分其國王宮居中面朝

後市左右六部兩兩相向而一部九分謂之九聚一聚
九分謂之九區於是凡宮室分之爲九等一區一堵者
唯王寢爲然公署亦有然者其餘私室皆以一區開方
爲堵一區四堵者爲甲第_{二二}一區九堵者爲乙第_{三三}
{四四}一區十六堵爲丙第{四四}一區二十五堵爲丁第_{五五}
也一區三十六堵爲戊第_{六六}一區四十九堵爲己第
{七七}一區六十四堵爲庚第{八八}一區八十一堵爲辛
第_{九九}一區百堵爲壬第_{十十}總爲九等其一區百堵
者每一堵其方十步方十步者一畝也一畝之宮爲寂
下之等此庶乎古人之遺法也於是王宮左右其最近

之九區爲甲第乙丙丁戊己庚辛壬以次序列隅角四
部不立甲第而壬第有兩行又其面朝後市就其中列
以三十步爲經涂古制七軌太狹今廣之以其左右各三十五步

爲百官之公署爲百貨之市肆又其外左列右列各爲
辛第壬第於是九等之第總爲三萬五千二百七十二
戶又城外六遂共得辛第一萬三千一百二十二戶壬
第三萬二千四百戶總計城內城外共得八萬七百餘
戶於是甲乙丙三等以居大夫丁戊己三等以居適士
庚辛壬三等以居庶民寧當俯就無得上僭王國之法
於是乎大成矣並條列爲表見於別篇茲舉大略○臣

竊伏念 國初營國之時既不能區畫如此今典堵司之所掌唯見於在六部之內其宮室大小之度唯視其堵而別之而已不唯其堵有九等並其宮室之崇卑廣狹材木之大小長短各分爲九等每六部之內有或毀其屋而重建者又或據其空而新建者典堵司察而辨之若其堵在第九等者其宮室之度亦授以第九等之制尺寸豪髮無敢違越若其堵在第六等者其宮室之度亦授以第六等之制尺寸豪髮無敢違越苟能持久而不懈行之數百年則六部民家雖不能盡合矩度要之不出於九等定制之中斯亦可以立均出度矣○其

必分之爲九等者何也凡王者立法必上下有等貴賤有級車服器用莫不皆然况於宮室乎九等之度民莫不知則虞人伐木者知其度其斲斷皆中於九等無虛費也梓人造屋者知其度九等之屋原有恒傭不勞爭訟也又周禮九賦之目邦中之賦居其一焉今欲收邦中之賦者使無九等之制則其賦斂多寡將有萬不同有萬不同則其法多眩勒分幾等則其法不均必宮室之制原分九等尺寸豪髮無敢違越而後方可以立均出度爲一王之大法也○燕京修屋者凡爲牕戶皆先設其框乃走市買牕無不吻合若是者何也其宮室之

度各有尺寸無敢違越故梓人設框於東里賈人陳牕於西市及其相求如合符節茲所謂有道之國也典堵之司不可不設

典軌司提調中大夫一人僉正上士一人主簿中士二人
○書吏二人皂隸八人

臣謹按周禮車路之用著於巾車而其製造之法莫詳於考工記輪人與人輶人既皆詳密而又於車人之文重言復言造車者冬官之職也我邦三面環海便於水運故自古無車然風濤覆沒利涉極艱險阻留滯費多而利少商旅不興食貨不通國瘠民貧皆無車之故

也郡縣之官皆用馬轎人困馬疲費用以廣憑藉徵斂
害歸小民又如昏姻之家不用車則產業以傾旅櫬之
歸不用車則財費無節或去棺露尸兩人擔舁傷心慘
目有不忍見車不可不用也又或軍興糧匱如萬曆壬
辰之時則鞭撻飢氓擔負以運餉擔負以運輜號呼顛
踣有不忍見車不可不用也宜自利用監北學車制毋
創新法唯中國之制是摹是倣豪髮不差斯可以行之
無弊何者彼自軒轅氏以來行之至今其病敗之所由
生講之已熟其運用之所由便認之已真吾東之人每
欲別創新法以跨中國或製獨輪或製三輪恆飯不炊

而別味先求千文不學而僞印先造其有濟乎卽太平
車一輛未嘗求學他尚何說北學旣熟別設一司名之
曰典軌司凡公私所用悉自典軌司製之計其工費定
其恆價令萬民輸其價而受其車其或私造者嚴禁之
可也車有輪有輿其謂之典軌司何也車同軌者王者之
大法也兩軌之間或闊或狹則其車或大或小其任或
重或輕其價或多或少其雇或上或下千病百痛皆自
不同軌起也其軌旣同則其車之大小同其任之輕重
同其價其雇莫不相同如是則商賈計程而筭利工匠
計價而筭利心目瞭然無復疑慮遲徊之患矣其或弊

車之修補者不在私造中論○最急者太平車也兵車
田車輜車輶車凡中國之異制者皆自利用監擬其制
度

臣謹案周禮秋官野廬氏掌達國道路至于四畿凡道
路之舟車輶五者叙而行之凡國之大事比修除道路
者亦至要之官也考工記匠人營國經涂九軌環涂七
軌野涂五軌諸侯經涂七軌小都經涂五軌臣謂宜定
制國中經涂七軌城門之外其涂五軌郊關之外其
涂三軌以達于十二省其或犯耕者典軌司察而罪之
京城之內酒漿小市作倚廬以犯涂者典軌司察而罪

之未可已也將欲行車必先治涂凡十二省大路必令
平之如砥不傾不仄乃可以行車須令津關之署每遇
四方商旅披聽道路平仄其有陂陀敬側不便行車者
傳知本司報于刑曹飛關申飭罪其地方官使卽修除
如是然後始可以沛然行車矣餘詳職掌篇

臣又按車服以庸王者賞善之大柄也 國制下大夫

乘小輿卿大夫乘輅軒公孤乘平輅平輅者安車之類
也然是四者之制或大或小或崇或庳有萬不同無一
相似卽此一事其爲無法之國可知也今擬制車爲三
等皆如輅軒下大夫之車獨輪而其高及肩

三品卿大

夫之車雙輪而其高及肩車二品三公孤之車三輪而

其高迫地車一品於是下大夫其茵以麋皮中大夫其茵

以鹿皮上大夫其茵以水豹之皮孤卿之車其茵以虎

皮大臣之車其茵以豹皮武臣唯上大夫乘車其茵以

熊皮孤卿大臣文武同用虎豹以彰有德毋得相踰凡

三等之車皆自典軌司授之及其卒也既三年還納于

本司修而漆之又以待用則國家經費亦不必難繼

也○或曰國力方貧何以增官臣以爲軍器寺減六員

以其三爲典軌司以其三爲典艦司何以爲之增官也

其提調工曹參判例兼

典艦司提調卿一人僉正上士一人主簿中士二人○書吏二人卑隸八人

臣謹案原編典艦司掌京外舟艦其提調二員郎官五員又水運判官三員屬焉近復革之乾隆己酉冬改葬顯隆園于華城復設舟橋司有提調郎官以他職兼之今擬舟橋司名之曰典艦司其提調工曹判書例兼

臣竊伏念三代建國必據天下之中其用舟艦者皆東南沿海之國非王國之所切需故舟艦之制不見考工然其廣狹長短銳鈍軒輊之際其力之強弱行之利滯起焉任意加減有萬不同必非造舟之法也臣之兄若

銓之言吾見島人恒言某船能疾走某船不能走某船
小而能勝重某船大而不能勝重此天下之奇談也吾
觀其造船不用尺度但用目力材又不均故隨材而異
其體樣或底短而舷長或底狹而梁廣或體小而桅大
或體大而桅短首尾不相感應腹背動有掣礙或換桅
而頭不開或長帆而艫不前其或一船偶近於法度能
走能勝則於是乎怪而咎之曰彼船如彼此船胡如此
嗟乎船非馬也惡能有勇有銳有健有劣哉何不暫觀
考工記一二策也今按考工記曰輪已崇則人不能登也
輪已庳則於馬終古登阨也又曰望而眠其輪欲其悞

爾而下迤也進而眊之欲其微至也又曰望其轂欲其
眼也無所取之取諸急也又曰轂小而長則柁大而短
則摯又曰六分其輪崇以其一爲之牙圍三分其牙圍
而漆其二又曰五分其轂之長去一以爲賢去三以爲
軹又曰參分其轂長二在外一在內以置其輻若此類
隨其車之大小其諸物比例之差以之增減使其力強
而行疾也造舟者何獨不然然造舟之法非利用監之
所能北學亦非有賴於北學者也唐船倭船之漂到沿
邊者歲以十數琉球呂宋之船亦有時乎漂到其制樣
皆奇妙精堅能出沒風濤不致摧陷若於漂到之初則

遣利用監郎官与巧匠之精於分數者合同照檢其諸物諸體之長短廣狹銳鈍軒輕皆察之詳密書其尺寸其材料所用及油灰糊船之法兩翼浮板之制皆問其規式詢其功效自我倣造不差豪髮則於是乎北學矣於是以其比例冒之於大小諸船分之爲九等大船有三等中船有三等小船有三等其長短廣狹銳鈍軒輕比例之差皆比例遞減中上之船於上上之船用三分二比例下上之船於上上之船用三分一比例其餘皆倣此例凡公私所用漕船兵船商賈之船皆於九等之中用其一例若其諸體不中於九等之定度者本司察而

執之毀其船罪其人誠不可易之法也若是者何也船
限於九等則伐木者度其等而斲材其不中等者不出
于山人力以省其利一也改船者取他船之材而易之
如合符節其利二也商賈量其貨任其船其筭計素定
可以遙決其利三也平賦司之徵稅分爲九等其斂至
均無麤雜勒定之咎其利四也故曰宮室舟艦不可不
限之於九等凡不中等者禁之夫然後法制成也○臣
又按上所論者海船之制也其江河所用之船其制不
同宜亦分之爲九等大江全用九等小江止用中下六
等或止用下等

臣伏念我國戰船自萬曆壬辰以後每一水營所願諸船小不下二百餘艘兩西則有減焉此陰雨之備也然泊於汭港閣於泥沙全不運用以待有變此非計之得也臣聞天下之物皆不用則速朽戶樞不蠹流水不腐物之理也卒有寇警曳而出之欲以左衝右突出入如飛亦難矣臣謂諸水營兵船之制亦分爲九等與私船同制令可以輸漕可以販糶於是分授沿海諸民使之行商唯九等船各二隻令遞番來繫於水營浦口一年四遞使之休番則猝有警急亦可以召集四近之船以成軍容其或邊警稍緩者雖在千里之外可以召集

不患其不及時矣凡船主使船之法筭其贏利船主收其什二公船不可如此須廉於私船民乃願也然其所分亦自不少一年所收足以爲修補之費三年所收足以爲新造之費不亦善乎今修船造船之費會減極多而吏緣爲姦民多橫害今若許民行商則旣無此費又不速朽兩利俱便莫此若也唯所謂戰船之制樸厚重大不可運用或者李舜臣之遺法本自如此以其樸厚之故倭船之輕薄者觸則必碎歟若然今不可斷而薄之誠如是也宜於水營浦口建一船廠凡戰船皆以本材斲之龍石之第幾板第幾片一一標記仍以材具儲于

廠中又船匠數十名常隸水軍給其廩料遇有警急卽
時裝造亦不患其不及矣又所謂龜船鵲船之類本是
別法不可入九等之中其使用亦應不便斯則常泊水
營之前令帥臣率其親兵月月習操不令間斷其習操
之費取用於九等船收稅之中抑所宜也○臣又按兵
船之制皆有板屋不便於行賈臣謂船上諸板皆刻字
號書其序次並其釘椓藏于船廠遇有寇警出而釘之
其在平時藏之唯謹以時點閱不患其臨急取用也今
舟橋司橋板亦皆時藏時設兵船之板奚獨不然
臣又按舟橋司諸船之分遣三南俾作漕船此天下之

弊法也船人負勢藉重作奸行惡遂使徵斂無藝谿
是充臣久居海上習知此弊臣謂自今漕船許令郡縣
之吏自求新好之船冬至前與之相約乃以形止報于
典艦司云某地方某船幾隻定爲本縣之漕船請本司
題準本司依而許之轉報漕運司各書其版抑所宜也
凡十二省公私諸船典艦司皆書于其版頒其掌標以
一年船總報于平賦司平賦司以此徵稅其有隱漏爲
平賦司所覺者地方官典艦司皆當有罪

甄瓦署提調下大夫一人別提中士二人○書吏二人皂
隸六人造瓦匠八十人

甄瓦署者今之瓦署也○臣謹案燒瓦燒甃之法宜自
利用監北學中國頒其法于甄瓦署使之燒進又自本
署頒其法于十二省使各建廠燒造以給民用輸其稅
于本署以補公用

燔瓷監提調下大夫一人奉事下士二人○書吏二人阜
隸四人

燔瓷監者司饗院之分院也分院奉事常在牛川江上
別爲一署故今別之○或曰國力方貧何以增官臣謂
司饗院減直長二員奉事二員以爲此署有減而無增

也○臣又案日後利用監若得造琉璃之法亦當自本監主之不可別設一司

織染局提調中大夫一人主簿中士二人奉事下士二人○書吏八人皂隸十二人

織染局者濟用監也本掌織染近例染而不織然周禮有典絲典泉染人皆各下士二人設官掌織先王之制也况我邦之所謂織不過紬布而錦繡綾緞羊毛之布尚不知織歲以金銀買之於燕市既不能備工又不
能崇儉徒費重寶非計也臣聞中國之爲繒帛也擇繭有模烹繭有數縑繭有法重環遞傳風以乾之故其絲

均平而敦實潔白而堅韌我 國之法衆繭相雜其大小不同烹繭無數其麤紬不同縹繭無法其縈亂難理乾之以灶屑其腐爛在初壓之以沙石其纏解屢變人力費而物體麤靡皆不教之過也宜自利用監北學中國以其良法頒于本局募工織造以供 內用乃以其法頒于諸路以教萬民於是錦繡綾緞皆取用於國中而金銀諸山可無悽愴之色斯亦國計之至深者也苟但染采而止則一貢人足矣又何必別立衙門乎○臣又按周禮絲染之官本屬天官今以其職在工造故屬於工曹

典設司提調中大夫一人別提中士二人○書吏二人阜
隸四人

臣謹案周禮幕人掌次之職皆屬天官原編屬于兵曹
今屬于工曹

掌苑署提調下大夫一人別提中士二人奉事下士二人
書吏四人阜隸六人

臣謹案周禮囿人掌囿游之獸禁場人掌國之場圃而
樹之果蓏皆屬天官然原典掌苑署本屬工曹故今亦
因之○臣謹案自古苑囿非必在大內國家唯內苑
而已近郊柴場草場甚多擇其肥饒者多植珍果奇木

分遣卽官使之監守抑所宜也

司筵署提調中大夫一人主簿上士一人奉事下士二人
○書吏四人皐隸六人

司筵署者長興庫也凡命官之法觀其名知其職然後
民聽無惑長興庫旣掌筵席宜名司筵也 又案周禮
司筵本屬春官原編屬於戶曹今以其職與典設司造
紙署相近故並屬工曹

臣謹案周禮筵席等級森嚴我國上下同制不可不
正

造紙署提調中大夫一人別提中士二人○書吏二人皐

隸四人

臣謹案我國紙物自以爲甲於天下而其實不裂而已不可以印書籍不可以爲書本不可以爲畫本宜自利用監北學中國以其法頒于本署又自本署頒于諸路亦所宜也造紙署本屬工曹

圖畫署提調中大夫一人畫史中士二人繪史下士四人畫員三十人

臣謹案原編圖畫署有篆字官二員臣謂篆字非畫師之技並責于寫字官宜矣○其提調工曹參判例兼臣謹案周禮繪畫之事備見于考工記其本冬官所掌

可知故今屬于工曹

原典屬
禮曹

[illegible]

This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some minor discoloration and small dark spots, characteristic of old paper. The page is ruled with vertical lines, creating a series of narrow columns. The lines are dark and slightly irregular, suggesting they were hand-drawn or printed on aged paper. The overall tone is a warm, off-white or light beige.

